

استمتع بحلاوة الذكر (سلسلة بناء النفس المطمئنة) - م /

علاء حامد

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وسلم اما بعد النهاردة بازن الله تعالى معادنا مع درس جميل - [00:00:00](#)

اه واحنا بنتكلم في بناء النفس المطمئنة لابد ان يكون هذا الدرس هو المحور. لذلك خلته في وسط الدروس كده. لان الدرس ده هو يكاد يكون هو آ مقصود جميع الدروس. يعني كل الدروس - [00:00:17](#)

هتكلم فيها هي بتدور حول هذا الدرس وهذا المعنى. هو المعنى المفترض ان كل حاجة بتصب في في النهاية. وكل الاعمال تنتهي اليه في النهاية. فما شرع الله تعالى العبادة الا لهذا الغرض. هو تحقيق ذكر الله سبحانه وتعالى - [00:00:35](#)

قال جل في علاه اقم الصلاة لذكرك مش كده اقم الصلاة لذكرك. والنبي عليه الصلاة والسلام بيصف الحج يقول انما جعل السعي ورمي الجمار لذكر الله تعالى يعني كأن النبي عليه الصلاة والسلام او القرآن بيقلولوا لنا ان كل اللي انت بتعمله له هدف واحد. انك تحقق ذكر الله سبحانه - [00:00:55](#)

تعال ان الله سبحانه وتعالى يذكر ولا ينسى. عشان كده اول حاجة بنقولها في الموضوع بتاعنا النهاردة ان الذكر مش مجرد ذكر اللسان آ انما الذكر هو كل عمل صالح تعمله. بل وكل محرم تتركه - [00:01:18](#)

لان الحقيقة ان الانسان لا يتحرك في طريق الطاعات ولا في ترك المنكرات الا بعد عملية ايه؟ ذكر. يعني انا دلوقتي ايه اللي بيخليني اغض بصري مسلا هي قبلها حصل ذكر - [00:01:34](#)

فالذكر ده دفعني لن اغض بصري والعكس انما يقع الانسان بسبب الغفلة فاذا غفل عن الله سبحانه وتعالى ترك الايه او وقع في المعصية فالحقيقة هي كل عبادة هي عبارة عن ذكر سواء كان ذكر ده لسان او او لكن هو الحقيقة من منطلق قلبي في - [00:01:47](#)

فكل دول بيشتروكوا في القلب. سواء بقى النتيجة كانت عمل بدني او عمل لساني او عمل مادي مالي. المهم ان كله انطلق من قلب زاکر فلولا انك انت زکرت ربنا ما كنتش هتتصدق على المسكين. لولا ذكر ربنا ما كنتش هتغض بصرك عن المشهد الفلاني او انك انت - [00:02:07](#)

تمتنع عن العادة السيئة. لولا انك انت زاکر ربنا ما كنتش هتصحى الفجر. فعملية الذكر هي اللي بتخليك ذكر القلب. يعني هي اللي بتحركك في كل الاتجاهات فكان كل الدين هو عبارة عن عن ذكر الله سبحانه وتعالى. لذلك ابن مسعود رضي الله عنه قال في قول الله تعالى اتقوا الله - [00:02:27](#)

حق تقااتل فيفسرها قال في قوله اتقوا الله حق تقااته قال ان يطاع فلا يعصى وان يشكر فلا يكفر. وان يذكر فلا ينسى. وان يذكر فلا ايه؟ فلا ينسى. لان ضد الذكر النسيان. وليس ضد الذكر - [00:02:47](#)

التوقف للسان لأ ضد الذكر النسيان انك انت تنسى الله. فيه فرق بين انا ناسيه وان انا لساني واقف. ممكن انا بيكون لساني بس انا مش ناسي ربنا. سبحانه وتعالى. لذلك مفهوم ان الذكر وحركة اللسان ده مفهوم مش صح. وبيخلينا نحصر الذكر فقط في مجموعة الازكار - [00:03:06](#)

او مجموعة الاوراد او كده. بل الذكر هو عملية قلبية في المقام الاول. ممكن العملية القلبية دي تتقلب لسان. تتقلب صلاة تتقلب دعوة

الى الله تتقلب درس. تتقلب آآ فكر تفكر - 00:03:26

اتقلب دمة بدون اي كلام بدون اي شيء خالص. مجرد تحولت الى دمة حارة بل دي من اعلى انواع الذكر ورجل ذكر الله حاليا فايه؟ ففاضت عيناه ممكن يكون ذكره بقلبه على فكرة. يعني قاعد كده شوية تفكر في الله وفي عظمة الله وفي تقصيره في حق الله وفي زنوبه. وفي ما يليق بالله وفيما - 00:03:42

تقدمه هو فبكي من خشية الله. تذكر يوم القيامة والمشاهد وو فبكي. فاذا عملية الذكر هي عملية قلبية. اما بقى توصلك لايه دي دي تختلف. لذلك تجد النبي عليه الصلاة والسلام يقول مثلا - 00:04:02

يقول ايها الناس ارتعوا في رياض الجنة. ارتعوا في رياض الجنة. قالوا وما رياض الجنة؟ قال مجالس الذكر. مجالس ذكر. زي كده ما انتم قاعدين هنا ده اسمه مجلس ايه؟ مجلس كلنا بنذكر ربنا الان. مش انا بس؟ لا كلكم اسمكم الان زاكرين لله. لان انت كلنا دلوقتي في قلبنا كلكم - 00:04:17

تسمعو عن الله سبحانه وتعالى كلنا قلبنا الان كل واحد فينا بيفكر في حاله مع الله كل واحد فينا بيفكر في يعني ايه اللي هيعمله بالدرس ده هيستفيد بايه؟ في عملية فكر - 00:04:37

النتيجة عن حركة قلبية ادت الى عملية الاليه؟ عملية الذكر ديت. لذلك يعني مسلا ايه كنت مرة في درس كده كان في اخ قاعد ماسك سبحة وقاعد ايه؟ قاعد يركز ربنا وانا سامعه يعني - 00:04:47

فبقول له انت بتعمل كده ليه يعني ما تسمع الدرس يقول لي عشان ايه عشان ايه ما اغفلش عن الاليه عن الذكر طب ما هو الدرس ايه يعني هو انت قاعد درس تعمل ايه - 00:05:01

هذا يدل على يعني ايه ضيق فهمه لعملية الاليه؟ الذكر. فهو فاكر ان احنا الدرس كده معطلني عن الاليه؟ عن الذكر. او واحد مسلا عايز يجلس للشروق مسلا في المجلس في المسجد فهم بيدوا درس مسلا. فهو لا مش عايز الدرس عشان ما تعطلونيش عن جلسة الاليه؟ جلسة الشروق. فمين قال لك ان احنا عطلناك بالعكس ده احنا - 00:05:11

قلنا لك يعني دعم جامد جدا. وفرنا عليك ربع ساعة اهو. لانك انت مجرد حضورك لمجلس العلمي دوت تسمع القرآن تسمع التفسير. ده الفكر في حد ذاته سواء اللي قاله او اللي سمعه. يبقى انا اختصرت لك الوقت لازم نفهم الموضوع دوت. الموضوع ده هيخليك انت تفهم يعني ايه انا بتكلم ان الذكر ده هو - 00:05:31

المقصود الاعظم من كل من كل الاليه؟ من كل العبادات. فكل العبادات انما تدور حوالين الذكر. لذلك الانسان لو تأمل منزلة منزلة اعلى منزلة في الدين اللي احنا عايزين نوصل لها بتحقيق بناء النفس المطمئنة هي منزلة الاحسان في اعلام في الدين منزلة الاحسان - 00:05:51

والنبي عليه الصلاة والسلام ربط منزلة الاحسان بعملية ذكر ذكر دائم بقى هو يعني يعني المعنى ايه؟ ان في الاسلام والايمان والاحسان. هو الفرق بينهم هو قوة الذكر في الحقيقة. اللي بتخلي دايم ربنا حاضر معك - 00:06:11

كل ما قل الذكر ده وحصلت الغفلة تنزل منزلتك على طول. لكن لو الذكر ده زل بقى شيء دائم دائم لا يعني لا ينفك عنك ابدًا فتجد انك انت ادائك عالي جدا. الاحسان ان تعبد الله كأنك ايه؟ كأنك تراه. وهي عملية ذكر لان هو انت مش هتراه في الحقيقة. وانت مش بتراه - 00:06:27

حاجة ولكن هو استحضار دائم كأنك استحضار دائم لله سبحانه وتعالى. فاذا حضر الله سبحانه وتعالى في قلب الانسان على الدوام ده يؤدي الى ان هو بيشتغل كويس على الدوام. تخيل ولله المثل الاعلى ان المدير قاعد معك طول الوقت في الشغل. ما بيروحش مكتبه ابدًا - 00:06:47

وانت قاعد شايفه قدامك وقاعد قدامك هتعمل ايه؟ هتشتغل كويس. هتشتغل خصوصا لو انت عارف ان هو في ايده ان هو يأزيك وفي ايده انه يكافئك هتشتغل كويس جدا. اللي انت شايفه قدامك - 00:07:06

اول ما يخش مكتبه هنا بتريح شوية تروح تعمل كوباية شاي بقى تروح تتدلع تهز مع يعني الدنيا بتبوز منك اول ما المدير يمشي

فتخيل لو ان انسان حاسس بحالة المراقبة دي اربعة وعشرين ساعة. مش بقى مدير ومكافأة. لأ ده فيه جنة ونار وفيه توفيق وفيه بركة وفيه رزق وفيه اولاد قصة كبيرة. فهتلاقي نفسك - [00:07:16](#)

عالي على طول. فمنزلة الاحسان هي في الحقيقة منزلة ذكر. فلو ان الانسان يعني وصل للمرحلة دي من دوام ذكر الله تعالى ده آآ ارجى واحد بنتوقع منه ان هو يؤدي الطاعات بسهولة ويسر. ويترك المعاصي بسهولة ويسر. وانما الانسان انما يؤتى من غفلة. او - [00:07:36](#)

ثم يغفل يقع على طول قال تعالى اقترب للناس حسابهم وهم في ايه؟ هم في غفلة معرضون. ما يأتيهم من ذكر من ربهم محدث الا استمعوهم. يلعبون لاهية ايه؟ قلوبهم - [00:07:56](#)

اذا عملية الذكر هي عملية في المقام الاول عملية ايه؟ عملية قلبية في المقام الاول. والذكر هو الدال على المنزلة السامية. هي اسمى المنازل في معاملة الله؟ منزلة المحبة. انك انت تصل الى اعلى درجات المحبة. والذكر هو - [00:08:08](#)

دال على قوة المنزلة دي عندك. لان من احب احدا اكثر من ذكره واحد يبحب اه مسلا حد او يبحب مسلا اه بلاش نقول واحدة عشان حرام تحب اللي كاتب عليه كاتب كتابه عليه يا سيدي عشان نبقى ايه خرينا في الايه؟ في السليم. ممكن - [00:08:26](#)

يقعد يكلم الناس عنها وكل بيقابل مش عارف ايه يقول لوالده يقول لوالده يعني هو بيتكلم عنها كثير. واخذ بالك لان هو يبحبها. او يبحب اكل كل ما يقعد الناس تجيب سيرة اكل يجيب سيرة الاكل اللي هو ايه؟ اللي هو لازم يفتح الموضوع دوت ونقعد نتكلم في جمال الاكلة ديت. يبحب اي حاجة - [00:08:44](#)

يبحب حاجة لازم يكسر من ايه؟ يكسر من زكرها. ومش بس كده بقى. بيقول لك بقى ان ان الدال على قوة المحبة دي ان انت تزكر الشيء ده في في موطن اصلا - [00:09:04](#)

يشغلك. يعني المواطن اللي انت اصلا مشغول فيه جامد. اللي هو ما ينفعش تفتكر حاجة. فانت بتسبب كل حاجة برضو بتذكر الايه؟ الشيء ده ده يدل ان انت بقى ده ده حب بقى ايه؟ حب عظيم جدا - [00:09:16](#)

جدا عشان كده ربنا سبحانه وتعالى امر المؤمنين بالذكر عند ملاقات العدو لان المنزلة دي ما يوصلهاش الا واحد عالي قوي يعني. تخيل انت بقى ايه عند ملاقات العدو والسيوف وبتاع وكل واحد خايف على حياته. والناس دي قاعدين بيذكروا ربنا عادي. يا ايها الذين - [00:09:26](#)

امنوا اذا لقيتم فيها فاثبتوا وايه؟ واذكروا الله كثيرا لعلكم تفلحون. لذلك من آآ الحاجات الدالة فعلا انك انت كويس في موضوع الذكر ده ان انت تراقب نفسك في الذاكر اللي هي في اوقات ايه؟ اوقات يعني ما يتصورش ان انت ما بتجيش في بالك الذكر اصلا. او ممكن الناس بتبقى ملغومة في الاوقات ديت. مثلا - [00:09:43](#)

في السوق مسلا النبي عليه الصلاة والسلام اعتبر ان الذكر في السوق ده حاجة معجزة ليه؟ لان نادر اللي بيزكر ربنا في السوق. فلما تستغربش انك تجد الاجر الكبير قوي ده لذكر الايه؟ ذكر السوق بالزات. هيقول لك اشمعنى طب ما هو فيه اذكرك كثير - [00:10:03](#) اشمعنى ذكر السوق اللي خد المنزلة دي؟ قال صلى الله عليه وسلم من دخل السوق فقال لا اله الا الله وحده لا شريك له له الملك وله الحمد يحيي ويميت وهو - [00:10:18](#)

هو حي لا يموت بيده الخير. وهو على كل شيء قدير كتب له الف الف حسنة. ياه كثير جدا مليون حسنة على على الذكر دوت اشمعنا لانه في السوق لان في السوق هو مكان ايه؟ مكان يعني ما يكرش ربنا الا واحد بقى يعني ايه حاجة عالية خالص بقى. فعلا ربنا ده ما يغيبش عنه ابدًا. حتى وهو مشغول بالبيع والشراء والمفاصلة - [00:10:28](#)

يجد في كل فراغ يقعد يقول الايه؟ يقول الذكر دوت. ذكر الاستيقاظ من النوم مسلا من الحاجات اللي هي تقول لك انت اخبارك ايه؟ في ناس ما بياخدش يصحى بقى وياكل ويشرب ويلبس ولسه ما قالش اي حاجة خالص. مشغول تماما واثأخرنا على الشغل والعيال واخبار وايه يعني - [00:10:50](#)

الحاجة دي اه بتديك مقاييس الذكر عند النوم اه وانت نايم واحد بينام بيقعد بقى يفكر عملت ايه النهاردة يفتح الموبايل ويقعد يلعب

فيه لغاية ما يروح عليه النوم او بقى يفكر في حاجات بقى شوية كده ايه دمار شوية. خد بالك فكر في البنات فكر في في الاباحيات وبتاع يسلي نفسه لغاية ما ينام. ده بقى دنيا تانية ده - [00:11:10](#)

ما لناش دعوة به. لكن اهل الزكر دايمًا اذا ناموا زكروا ان ايه؟ ان الده النوم دي ما اعرفش هصحى منها ولا لأ. فبيبتدوا بقى ايه؟ بيتدوا بقى ايه اللهم قنا عذابك يوم تبعث عبادك. واخذ بالك؟ وآ الله يعني ايه؟ باسمك اللهم نموت ونحيا. ويقعد بقى - [00:11:32](#) يقول اذكرك النوم لغاية ما في العادة طبعًا بيروح علينا نوم قبل ما ايه؟ ما نكمل الاذكار. الاوقات دي فعلا بتبقى من الاوقات اللي فعلا دالة على قدر الله سبحانه وتعالى في ايه؟ في قلبك. الزكر عند الجماع قبل الجماع. الانسان يعني الحالة ديت يعني فعلا من اللي يذكر ربنا فيها في فدي - [00:11:52](#)

منزلة عالية منزلة عالية نعم لذلك الزكر بيمنعك بيحميك من من خواطر السيئة ان الانسان لو قاعد فاضي انا دلوقتي قاعد على السرير فاضي. ما زكرتش ربنا ولسه بقى قدامي عشر دقائق على ما اروح في النوم. هتعمل ايه؟ الشيطان هيوديك شمال - [00:12:12](#) حلو يمين وتحب في دي وتحب وخرجت مع نص البنات اللي في الدفعة على ما جالك نوم. لكن لو انت شغلت نفسك بالايه؟ بالزكر خلاص اضمن ان انت مليت الحصلة دي في حاجة. فما فيش مكان يتحط فيها ايه؟ حاجة تانية. وغالبا الشيطان بيسيبك في حالك فبتنام بسرعة يعني. علشان ما هو طبعًا اكيد مش - [00:12:29](#)

ما بيحبش ان انت تفضل قاعد كده عشان كده دايمًا له اللي عنده ارق يقول له ايه؟ قل اذكرك النوم. يقول لك ايه ده تصدق نمت على طول هو طبيعي يعني هو انت طول ما انت بتفكر في الدنيا البايضة دي الشيطان قاعد معك. خليك انت صاحي كده حلو تجمع سينات. المهم - [00:12:49](#)

ان احنا وصلنا لقضية الزكر دي هي اهم شيء. لذلك ربنا في في القرآن يقول ولزكر الله ايه؟ اكبر. الكلمة دي اتقالت في سياق في سياق وهو قول الله تعالى اطلب ما اوحى اليك من الكتاب وايه؟ واقم الصلاة. ان الصلاة تنهى عن الفحشاء والمنكر. ولزكر -

[00:13:05](#)

والله اكبر والله يعلم ما تصنعون. الاية دي اية جميلة قوي. ليه بقى؟ لان الكلمة دي آ اما تيجي تتبع كلام مفسرين تلاقيهم كل واحد الحاجة وكل كلامهم روعة. يعني انت فهمت ايه ولا زكر الله اكبر - [00:13:25](#) ايه ايه المعنى بتاع؟ اكبر من ايه اكبر في دماغي على الفحشاوي. كل اللي قلتوه صح. يعني انتم قلتم انا سمعت كده ايه كلام من هنا وكلام من هنا. يعني يدل على - [00:13:41](#)

ان مجموع الكلام مجموع الكلام بازن الله هو ايه اللي انا هقوله. اول حاجة قال لك ولزكر الله اكبر قال ذكر الله اكبر من الصلاة لان الزكر هو المقصود الاكبر من الاية؟ من الصلاة. اقم الصلاة لزكري. فهو اصل العبادات وسر العبادات وروح العبادات - [00:13:54](#) المعنى الثاني بقى ولزكر الله اكبر ولذكر الله في النهي عن الفحشاء والمنكر اكبر من اثر الصلاة نفسها لو انت قوة الذكر في النهي عن الفحشاء والمنكر اقوى من قوة الاية؟ اقوى من قوة الصلاة - [00:14:20](#) قالوا منها ايضًا ان زكر الله اكبر من ان يبقى معه فحشاء او منكر اصلا يعني الزكر لو تم شكل سليم لن تبقى اصلا فحشاء ولا منكر لسببين اول حاجة - [00:14:39](#)

ان الزكر انسان لو اصلا بيزكر ربنا لو وقع فحشاء او منكر. احنا عندنا دلوقتي حالتين. الحالة الاولانية ان هو وقع. والحالة الثانية ان احنا عايزين ما يقعش اصلا فاذا وقع الزاكر بيعمل ايه؟ الزاكر بيستدرك بسرعة. فيمحو بسرعة اذا وقع فيه فحشاء او منكر. قال الله تعالى - [00:14:57](#)

آ والذين اذا فعلوا فاحشة او ظلموا انفسهم عملوا ايه؟ ذكروا الله. طب يعملوا ايه؟ لما بيزكروا ربنا بيترتب عليه ايه؟ فاستغفروا لذنوبهم ومن يغفر الذنوب الا الله ولم يصروا على ما فعلوا. يبقى الزاكر ربنا كثير احنا الزاكر ربنا ده معصوم مش معصوم واكيد هيوقع لازم بيوقع ما فيش حد ما بيوقعش - [00:15:18](#)

لكن الفرق بين اللي بيزكر ربنا كثير ما بيزكرش ربنا كثير ان اللي بيزكر ربنا كثير اسرع واحد يقوم. ما بيزكرش ربنا كثير ممكن يقع

ويبلط يعني في الايه؟ يبلط في - 00:15:38

معصية ديت. لكن يذكر ربنا سريع سريع العودة. فدي اول حاجة ان هو اذا وقع بيقوم بسرعة. فيبقى اذا الذكر دوت لغى له تماما

الفحشاء والايه والمنكر اللي حصل دي ان ربنا غفر له. الحاجة الثانية بقى - 00:15:48

اللي هي بقى الالى بقى ان دوام الذكر اصلا بغير الميكانيكا بتاعته كلها بيخليه يتبدل بيخليه يتغير. يعني الذكر نفسه بيخليه بيخلي

المعصية ما بقتش حلوة اصلا. يعني اذا داوم الانسان على - 00:16:02

الذكر يجد نفسه بتتغير. مسلا يلاقي نفسه مسلا ما بقاش يحب الاغاني زي الاول بقى بيتقرف من السجاير. مش ما بقاش يعني اتبس

لما يكلم بنات. هو مش عارف في ايه؟ ايه اللي اتغير في؟ رغم ان انا كنت لما بدأت التزم مسلا - 00:16:20

قلت الحاجات دي مش ممكن ابطلها انا هصلي ماشي. انا هحفز قرآن حلو. انا يعني اقوم الليل ما عنديش مشكلة. احضر دروس. بس

موضوع البنات ده صعب اوي موضوع الاغاني ده بص يا شيخ انسى انا عمري ما هبطل الاغاني ابدأ ده انا بقالي عشرين سنة بسمع

عربي واجنبي وكل حاجة ما ما تكلميش في الموضوع ده يا شيخ الموضوع ده - 00:16:36

في الغالب مش هبطله يعني وهي بقى ربنا ايه؟ ربنا يغفر لنا يقعد انتم تسيبوا انت تقول له ماشي مش مشكلة. بس انت تركز عليه

بتركز على ان هو يزوق حلاوة الذكر - 00:16:57

لو ذاق حلاوة الذكر هو هيجي لوحده بقى يقول لك الشيخ تصدق اغاني دي ما بقتش طالبة معي خالص انا عارف ان هو هيجي

يقول كده. بس هو انا لازم اضحك عليه في الاول. لازم يحصل كده. اذا ذاق حلاوة الذكر. تقعد انت ايه تحببه في القرآن قوي. وتخليه

يزوق حلاوة - 00:17:07

قرآن تقول له اسمع الشيخ فلان مسلا القارئ فلان والقارئ فلان اول ما يسمع القراء ويبتدي فعلا القرآن يخش في قلبه يبتدي حاجات

تانية تطرد بقى. ما هو القلب ده برضو وعاء - 00:17:23

هتخط فيه حاجة في حاجة تانية هتتشال قصادها. فاضي هيتلمى منكرات. كل ما تلمى فيه تزيح بقى من القديم. فتلاقي السجاير ما

بقتش حلوة وتلاقي دي بقت مش عارف مش طالبة معايا بقت هتلتز بيها زي الاول وتلاقيه قفل من سكة البنات تلاقي حاجات كتير

اتغيرت فيه - 00:17:33

فالذكر له قوتين في موضوع الفحشاء والمنكر اسرع ناس تقوم اذا وقع الزاكر دوت. واصلا بعد فترة بيجد قلبه يبيغض الفحشاء

والمنكر. وده ما بيجيش مش في شوية كده اول ما - 00:17:50

التزم يلاقي نفسه بيكره كل حاجة حرام بيعملها. لازم في المرحلة ديت. ان انت تنشغل فعلا بذكر الله. تركز قوي في الصلاة تركز قوي

في القرآن هتجد الامور دي بتطلع ايه؟ تطلع من قلبك واحدة واحدة - 00:18:04

تعالى نتكلم طبعاً احنا النهاردة عايزين نتكلم على حلاوة الذكر. حلاوة الذكر دي من من يعني ازاى انسان يزوق حلاوة الذكر باربع

طرق. الطريق الاولاني انك انت تعرف قيمة هذا الذكر - 00:18:19

مش فضل الحسنات والسيئات والكلام ده بقى ده لوحده قيمة الذكر. وانا بدأت في الكلام ده بالفعل وانا في المقدمة بتاعتي. ايه قيمة

العبادة اللي احنا بنعملها ديت نمرة اتنين انك انت تسمع عن احوال - 00:18:35

الصالحين في موضوع الذكر نمرة ثلاثة انك انت تعرف ازاى بقى اوصل للايه للمنزلة ديت؟ ايه اللي ممكن اعمله عشان اوصل للمنزلة

دي؟ نمرة اربعة انك انت تعرف فضائل الازكار - 00:18:50

اللي هي الحسنات والسيئات. واقصد الحسنات والحاجات ديت. كل ذكر بقى له ايه؟ فضائله قد ايه وحسناته قد ايه؟ ده برضو بيخلي

الموضوع يبقى احلى بكتير. لكن الاساسي الرئيسي هو الموضوع الاولاني - 00:19:03

قيمة الذكر انك انت لو حصرت قيمة الذكر في مجرد حصاله حسنات يبقى انت اضعت قيمة الذكر. قيمة الذكر اكبر من ذلك. يعني ده

طبيعي الحسنات شئ طيب جميل. لكن الموضوع اكبر من كده - 00:19:16

الذكر ده علاج لكل شئ. الذكر ده هو اصل الاصول وهو زي ما قلنا ده ده مقصد كل العبادات. عشان كده هنكمل احنا بقى لنا لسه وليد

في الاصل الاولاني ايه هي قيمة الذكر دوت - 00:19:30

من الاشياء التي ينبغي الانسان يستحضرها عشان يستشعر حلاوة الذكر. يستشعر ان كل مشاكلك اكيدي تتحل لو ربنا اراد ذلك انما امره اذا اراد شأن يقول له كن فيكون. لو اراد انك انت تكون مهتدي ستهتدي خلاص. من يهدي الله فهو المهتد. لن تجد ومن يضل فلن - 00:19:45

تجد له وليا مرشدا طيب انا ازاى بقى استجلب الموضوع دوت؟ تستجلبه ان تخلي ربنا معك طب ما هتقول لي ما ربنا معي على طول. لأ في فرق ان ربنا معك بشكل عام - 00:20:07

ان ربنا معك بشكل ايه؟ بشكل خاص. فربنا معنا كلنا وهو معكم اينما ايه اينما كنتم ربنا معنا كلنا بيسمعنا وبيرانا وبيكتب آآ وكل حاجة زي ما انتم عارفين. لكن في ناس بقى دونا عن كل الناس ربنا معهم - 00:20:21
طريقة تانية معهم بشكل خاص انني معكما اسمع وارى. طب ما هو مع كل الناس لأ مع موسى وهارون بشكل مختلف. حماية رعاية توفيق قال ان معي ربي ما هو معهم كلهم لا بس معنا بشكل تاني - 00:20:38
قال لا تحزن ان الله معنا. طب ما هو مع الكفار. ايوه بس دي معية عامة. معية الايه؟ المراقبة والمتابعة والحاجات ديت. لكن مع النبي عليه الصلاة والسلام مع ابو بكر معية تانية خالص. الرعاية والحماية والتوفيق والتسديد وكل الكلام دوت. انا عايز دي بقى -

00:21:00

دي بقى لو انا حصلت عليها كل حياتي اتحلت خلاص اذا كان ربنا معك خلاص كل المشاكل اتحلت. طب اجيبها منين دي؟ اه اعرف بقى قيمة الذكر اللي انت بتقوله ده - 00:21:18

النبي عليه الصلاة والسلام يحكي حديث قدسي عن رب العزة قال الله تعالى انا مع عبدي انا مع عبدي اذا هو زكرني وتحركت بي شفتاه. انا مع عبدي اذا هو زكرني. والا فهو معك طب ما هو معك من قبل ما ازكرك. لأ ما هي دي المعية التانية بقى - 00:21:29
ان احنا عايزين نتكلم فيها. المعايير الخاصة بالرعاية والعناية. اللي هو لما هيحي قدامك حاجة حرام هتلاقيه بيوفك انك انت تتركه. اللي هو لما تيجي طاعة تلاقيه كسرهما لك وبيحبها لك وبيخليها خفيفة على قلبك - 00:21:48
اللي هو لما يحصل لك مشكلة في حياتك هيفرجها لك انا مع عبدي امتي؟ اذا هو زكرني وتحركت بي شفتاه يبقى دي قيمة كبيرة. قيمة كبيرة بل هو من اعلى قيم الذكر. ان ربنا يكون معك. تعال انتقل لقيمة تانية - 00:22:01

كثير من الشباب دايم لما بيحي مثلا بيتسأل السؤال ده كثير. بيقول لي يا شيخ انا انا بحضر دروس كثير وبسمع حاجات كثير وما فيش حاجة بتأسر في حاجة تأسر في. هو انا عارف الكلام اللي انت هتقوله كل ده بس انا ما بتأسر. دايم يرجع للمعصية وما فيش حاجة بتأسر في. بل - 00:22:21

البعض بيتهم بقى ليه؟ بيتهم الدعاة هم السبب. يقول لك شيخ اصل انتم اسلوبكم مش عارف ايه. اصل انتم بتقولوا نفس المواضيع. طب هنجيب لك دين جديد يعني ما هو نفس المواضيع - 00:22:43

وانت بتقرأ القرآن قريته كم مرة مش نفس المواضيع مش هي الفكرة نفس المواضيع او يعني اه ممكن في اسلوب منفر لكن في لكن الدعاء غلبهم يصلوا معادي يعني بيختلف اه في واحد يزقق شوية فيقعد هادي شوية فيقعد - 00:22:53

يعني بس اكيدي مش التهمة في اسلوب الداعية. ما طب رح لداعية تاني لو هو مشكلتك في اسلوب الداعية سين. رح لصاد لو هو لو انت ما بتحبش الهادي فيه واحد بيزقق - 00:23:06

انت ما بتحبش اللي بيزقق في واحد هادي. آآ يعني في دعاء كثير اكيدي المشكلة مش في الدعاء. المشكلة في واحد مش هتبقى في كلهم هو عايز يرمي المشكلة ايه عليك وخلاص. هيقول لك انتم المواضيع مكررة. اه انا انا عارف انت هتقول ايه. هتكلمني عن الذكر انا عارف. عارف قريت فيه كثير. مش - 00:23:16

في مشكلة الفكرة انك انت في الاخر ما بيحصلش تطبيق. ما بيحصلش اثر في القلب وانت قاعد تتهم كل الجهات ما عدا نفسك ايه ازاى انا انا اكون سريع الحساسية. الحساسية دي كلمة الحساسية دي مهمة جدا. لان الحساسية دي مرتبطة بالحياة. النبي عليه الصلاة

والسلام يقول مثل - 00:23:35

اذ يذكر ربه والذي لا يذكر ربه كمسل الحي والايه؟ والميت والميت. الميت لا تؤثر في الجراحات. انا لو مسكت ميت قعدت مش هيحس بحاجة. مش كده؟ او بلاش ميت. خلينا خلينا في واحد حي. بس ايه بس يعني ايه اه خشن قوي. مسلا لو جبت واحد مسلا

انت مسلا - 00:23:54

فريق صنايعي كده وصنعتة ناشفة شوية. تلاقي ايدته ناشفة قوي صح؟ اه او راجل فلاح وشغال في الارض وسنين بتاع تسلم عليه ايدك توجعك ده ممكن يتعور وما يحسش. مش كده؟ ممكن تلاقي ايدته مليانة تقول له ايه يا حاج ده؟ يقول لك والله ما حسيت. ده

اتعورت في الارض النهاردة. اتعورت وانا شغال النهاردة. ما حستش - 00:24:14

لا لا لسه واخد بالي دلوقتي انت اصلا لو ربع الطويلة دي ممكن تصوت واخد بالك؟ ممكن تعمل منام وتروح المستشفى فيها. تعمل

غرز. هو ما حسش بحاجة. ليه؟ لان البتاعة دي تبدلت خلاص. ما بقتش بتحس جامد - 00:24:34

ده مش عيب في النبي ادم بس انا اقصد ان ممكن القلب يبقى كده بقى. من كتر الزنوب ومن كتر المعاصي مع قلة الذكر. بتلاقي ايه

بتلاقي قلبه بقى ناشف اوي. فتيجي الموعزة ما تأثرش فيه - 00:24:50

محتاج ان هو يلين بقى. يلين شوية. يبعد عن المعاصي ويبتدي يلين القلب دوت. لذلك الحسن البصري جاله واحد قال اشكو اليك

قسوة قلبي فقال اذبه بالذكر. اذبه بالذكر. الحل لموضوع قسوة القلب دي خصوصا مع المواعظ. ما هي دي اصل دي - 00:25:05

قلب قاسي لان هو بيعمل آآ خلاص هو بعيد عن ربنا اصلا. لكن فيه واحد قرب بالفعل بس لسه الموضوع ما فيش تأسير. نقول له انك

انت ما عندكش مش شغال على قلبك كويس. اشتغل على قلبك كويس. احسن شغل تشتغل على قلبك ان تكثر من ذكر الله. طبعا احنا

هنفهم بقى في كل المنازل اللي انا هتكلم فيها دلوقتي ان الذكر هو - 00:25:26

مش مجرد حركة اللسان. والا وانت تقول لي طب ما انا عندي ورد قرآني وباذكر ربنا وباصلي وبتاع. لأ كل ما كل اللي انا هاتكلم فيه

ده ذكر معين ذكر قلب في المقام الاول - 00:25:46

وبعد كده ذكر ايه؟ ذكر اللسان. عشان كده يقول لك العلماء الذكر درجات. الدرجة الاولى لاقل درجة ذكر اللسان فقط. ان انت قاعد

ايه؟ زي ما احنا كده بنختم الصلاة ولا حاسين باي حاجة. واخد بالك؟ زي ما انت بتقعد تقرا قرآن لو واحد وقفك ما تعرفش ترجع

تاني - 00:25:59

مش عارف انا انت وقففتني انا تهت. مش عارف انا فين. تروح راجع لك ربيعين ورا عشان انت مش حاسس انت كنت بتقرا ايه. ده اول

ذكر وده ممكن تاخذ عليه بعض الاجر يعني - 00:26:15

لكن اثره ضعيف المنزلة الثانية ذكر القلب فقط. قلب يذكر ربنا اه تقعد كده ممكن ما تحركش لسانك. لكن انت متفاعل. قلبيا متفاعل.

متأثر الدرجة الثالثة بقى ان يبدأ الذكر من القلب وبعد كده ينتقل الاسر للايه؟ للسان والجوارح وبتاع ده اعلى درجات الايه؟ اعلى

درجات الذكر. هي دي الدرجة اللي - 00:26:27

فعلا مؤثرة. اللي هي بتنتلق ابتداء من القلب. هيحصل لك حالة من الخشوع. حالة من الطمأنينة. حالة من الخوف. حالة من الرجاء.

يعني ممكن الذكر يبدأ باي انطلاقة فيجد القلب كده ايه؟ يحصل له سكونة ومسكنة وذل خشوع. بعد كده يبدأ اللسان يعبر عما في

داخل القلب - 00:26:50

تسييح تكبير تحميد واحد يستشعر نعم ربنا عليه وتقصيره فيبدأ بالاستغفار والتحميد مسلا. اسره ده اسر اللي ايه اللي حصل في

قلبه. واحد حصل حالة تعظيم لربنا فبدأ في التكبير. واحد استشعر قدر التوحيد فبدأ في التهليل. كده - 00:27:12

ده الذكر اللي فعلا كل القصص دي اللي هقولها النهاردة فعلا يعني تيجي من الذكر دوت. لكن ذكر اللسان المجرد اثره ضعيف فاحنا

عايزين اصلا نستمتع بالذكر ونعلي المنزلة دي في قلوبنا. فديت القضية. بص النبي عليه الصلاة والسلام - 00:27:32

بيتكلم في اثر الذكر في في قلب العبد. واسر عدم الذكر قال صلى الله عليه وسلم ان العبد اذا اخطأ خطيئة بيحصل له ايه؟ نكت في

قلبه نكتة سوداء هيبتي القلب يبوظ اهو - 00:27:48

قال فاذا هو نزع واستغفر وتاب صقلت. كانك انت ايه؟ نضفت فاذا عاد زيد فيها حتى تعلو قلبه. اه هنا بقى عاد وما استغفرش. حتى تعلو قلبه. فذلك الران الذي ذكره الله تعالى. كلا بل ران - [00:28:05](#)

على قلوبهم ما كانوا يكسبون. لذلك ربنا اليهود كانوا يقولوا احنا ما اصل احنا ما بنستجبش لك. ليه؟ قالوا قلوبنا غلف ربنا قال لها هي ما اتخلقتش كده. بل طبع الله عليها بكفرهم - [00:28:26](#)

وقليلا ما يؤمنون. فهو المسألة ان هي بتبدأ منك في الحقيقة. انت اللي السبب وانت اللي بدأت في ايداء قلبك. وان انت قعدت ذنب على ذنب على زنب وانت مش بتمسح ولا بتنضف. فصار القلب قاسي. بس فيه امل دايم في امل دايم مهما قسى القلب دايم فيه امل والا الكفار بيخشوا الاسلام ازاي - [00:28:40](#)

وهل الكافر قلبه اسود خالص. لكن ربنا بيحيي الموتى كما يحيي الموتى في الآخرة. يحيي القلوب الميتة. مش كده؟ دايم العبد مش مشكلتك انك انت وقعت في المعصية ما كلنا بنعمل معصية. لكن مشكلتك مش بتعمل صيانة دورية للقلب. فبعد اهمال فترة من معصية تيجي تتعرض لموعزة تجد - [00:29:00](#)

نفسك ما تتأسر. فمحتاج الانسان دايم يكثر من الذكر. وازا كان عنده معاصي يكثر من الاستغفار خصوصا. من الحالات الجميلة اللي تخليك تستشعر قيمة الذكر قول النبي عليه الصلاة والسلام - [00:29:20](#)

في الحديث الذي آ ذكره عن رب العزة جل وعلا الحكاية الطويلة ان ربنا لما لما صعدت له الملائكة التي حضرت مجلس ذكر سألهم ربنا عن عبادته ماذا كانوا يفعلون؟ ماذا يطلبون؟ من ماذا يهربون؟ المهم في الآخر قال يا ملائكتي اشهدوا اني قد غفرت لهم. قالوا يا رب - [00:29:32](#)

ان فيهم فلان ليس منهم. واحد كان جاي مستني واحد وقاعد كان جاي يعني معدي وبتاع. قال هم القوم لا يشقى بهم جليسهم هذه من الحاجات اللي تخليك تستمتع جدا بالذكر. اذا كان القوم دول لا يشقى جليسهم جليسهم. فكيف الحال بهم هم؟ يعني هم فين بقى؟ يعني اذا كان اللي بيقعد - [00:29:52](#)

معهم لا يشقى طب هم ايه هو الحياة الا الا اما سعادة او شقاء من اعرض عن زكري فان له معيشة ضنكا. من اتبع هداي فلا يضل ولا يشقى. هي الحياة اما هداية بلا شقاء او شقاء بلا هداية - [00:30:12](#)

فالذكر سبيل انك انت تصل لمرحلة ان يهديك الله سبحانه وتعالى. فلا تشقى. هو الانسان لا يشقى اذا هدي. فمن اتبع ايه؟ هداي فلا يضل ولا يشقى. هذا معنى ان دول حيهودا - [00:30:30](#)

للتوبة ويهدوا للعمل الصالح. وهدوا الى الطيب من القول. وهدوا الى صراط الاله؟ الى صراط الحميد سبحانه وتعالى ابن القيم دي كلام جميل قوي. في آ قضية الذكر دي بيحكي يعني بيوصف الذكر يقول هو قوت قلوب القوم - [00:30:47](#)

يعني طعام غزاء قلوب القوم الذي متى فارقتها صارت الاجساد لها قبورا وعمارة ديارهم التي اذا تعطلت عنها صارت بورا وهو سلاحهم الذي يقاتلون به قطاع الطريق. وماؤهم الذي يطفئون به التهاب الطريق - [00:31:05](#)

ودواؤهم دواء اسقامهم الذي متى فارقه انتكست منهم القلوب. والسبب الواصل والعلاقة التي كانت بينه وبين علام الغيوب به يستدفعون الافات ويستكشفون الكربات. وتهون عليهم المصيبات اذا اظلم البلاء فاليه ملجأهم. وازا نزلت بهم النوازل فاليه مفزعهم. فهو رياض جنتهم التي فيها ينقلبون - [00:31:26](#)

ورؤوس اموال سعادتهم التي بها يتجرون. يدع القلب الحزين ضاحكا مسرورا. ويوصل الزاكر الى المذكور. بل يجعل الذاكر مذكورا. فاذكروني اذكركم واشكروا لي ولا تكفرون. من الحاجات الجميلة اللي تخليك عايز فعلا تصل الى منزلة - [00:31:55](#)

التلرز بحلاوة الذكر. الحاجات دي من الحاجة اللي بتدفعك دفع شديد ان انت تحاول توصل للمنزلة دي. كلمة صعبة جدا للحسن البصري. الحسن البصري قال صعبة في الحقيقة يقول الحسن البصري تفقدوا الحلاوة في ثلاث - [00:32:20](#)

تفقدوا الحلاوة في ثلاث في الصلاة وفي الذكر وعند قراءة القرآن فإذا لم تجدوا ذلك فاعلموا ان الباب مغلق كلمة صعبة تخلي الواحد حاسس مأساة قال تفقدوا الحلاوة ان انت مستمتع. هل فعلا نحن نلرز؟ نستمتع بالصلاة نستمتع بالذكر نستمتع بقراءة القرآن -

قال اذا وجدتم ذلك تمام. فازا لم تجدوا الحلاوة في الثلاثة دول ولا حتى في واحدة اعلّموا ان الباب مغلق. يبقى انا لما باصل ان انا استشعر فعلا لذة الصلاة زي ما اتكلمنا قبل كده. لذة القرآن زي ما حتتكلم ان شاء الله. لذة الذكر زي ما هو - [00:33:05](#) النهاردة يبقى انا بتكلم في امل لو انت مسكته بيدك طمأنينة عالية جدا ان لا يمكن ربنا يعطي حلاوة الايمان او حلاوة الذكر او حلاوة القرآن الا لمن رضي عنه - [00:33:22](#)

ثلاث من كن فيه وجد بهن ايه؟ حلاوة الايمان. فالله سبحانه وتعالى اذا اراد بعبد يعني الخير رزقه حلاوة الايمان والذكر القرآن. فدي بتديك دفعة وبتديك طمأنينة تعال نتكلم في حاجة تانية - [00:33:35](#)

دايما مشكلة الدنيا كلها الشيطان. هو الشيطان هو سبب اصل كل الشرور. قال ربي بما اغويتني لاقعدن لهم صراطك المستقيم ثم تأتي النوم الايات قال فبعزتلك لاغوينهم اجمعين. يعني في عندنا عدو مش بيسيبك ابدأ. ولا شك ان جزء كبير جدا من من بعدك عن ربنا سببه الشيطان وفيه - [00:33:50](#)

جزء مع النفس الامارة بالايه؟ بالسوء. لكن اصطنع الاقل عدو. عدو لدود. ان الشيطان للانسان عدو ايه؟ مبين. يعني حاجة خطيرة جدا لكن انك انت تعلق دايما اصل الشيطان اصل الشيطان دي بقى يدل انك انت ضعيف بقى. ربنا قال ان كيد الشيطان كان ايه؟ كان ضعيفا. بس ضعيف بالنسبة - [00:34:13](#)

بالنسبة للمؤمنين لكنما يعظم كيده. اذا بيقابل واحد تعبان خالص. فبالنسبة له هيبقى جامد لكن هو بالنسبة للمؤمنين ولا حاجة ربنا سماه الوسواس الايه؟ الخناس. يعني ايه خناس؟ يعني ازا ذكر الله خنس. خنس يعني ايه؟ يعني اختفى. اختفى! اختفى تماما. ما يقدرش يقعد - [00:34:35](#)

هو الشيطان اللي قال كده اصلا. قال لآبوه هريرة في القصة المعروفة. قال اعلمك آآ اية ازا زكرتها لا يمكش شيطان حتى تصبح ولا يزال عليك من الله حافظ. طب علمه اية ايه؟ اية الكرسي. قال له ايه رأيت الكرسي لا لا ايه؟ لا يمكش الشيطان حتى ايه؟ حتى - [00:34:56](#)

تصبح ده انت قايلها قبل ما تنام لغاية الصبح ما حدش يقدر يبجي جنبك مولانا بقى لو بذكر ربنا على طول لذلك كان بعض الايه السلف بيقول كلام جميل جدا - [00:35:16](#)

بيقول اذا تمكّن اذا تمكّن الذكر من القلب. لو الذكر بقى بجد بجد بقى الذكر اللي انا قلت لكم عليه ده. اذا تمكّن الذكر من القلب من قلب الانسان فاذا دنا منه الشيطان - [00:35:27](#)

صرع مين اللي اتصارع الشيطان كما يصرع الشيطان الانسان ازا دنا منه حتى تلقاه الشياطين فتقول له ما لك؟ فيقال صرعه انسي يعني ركبوا بني ادم بقى المرة دي. فالبني ادم هو اللي ركب الشيطان. بس هو ما يعرفش اللي حصل. هو مجرد انت قاعد تذكر في في - [00:35:40](#)

في شيطان اتصرع بسببك فبيقول لي يعني تلقوا الشياطين تقول له ما لك؟ ايه ما له انت ما له متشنج ليه كده؟ فقال صرعه انسي. صرعه انسيه. في بني ادم صرعه. فيعني ده - [00:36:06](#)

حاجة مسكينة جدا يعني. فالانسان ممكن يدفع عنه ليه؟ لذلّك اول حاجة الانسان دايما بيعملها بيستعيز بالله. من الشيطان الرجيم لما يبقى غضبان لما يبقى قدامه معصية لما مش عارف ايه فعلا فعلا ده ده حل مسالي جدا. انك انت - [00:36:19](#)

يعني آآ تبتدي انك يعني تتخلص من كيد الشيطان. بس استعازة حقيقية بقى طالعة من القلب او تقرأ اية الكرسي او او او المهم ان الذكر ده بيحول بينك وبين العدو الاخر - [00:36:34](#)

الشيطان الرجيم. النبي عليه الصلاة والسلام وصف الذكر كأنه حصن. الانسان بيتحصن به. في حديس طويل قال اه عن الذاكر يعني. قال كمثّل لرجل رجل طلبه العدو في عدو وراه بيجري وراه زي شيطان كده. فانطلقوا في طلبه صراعا - [00:36:44](#)

وانطلق حتى اتى حصنا حصينا فاحرز نفسه فيه. دخل جوة حصن وانسى مع السلامة. عشان كده تلاقي كتاب الازكار اسمه ايه؟

حصن الاله؟ حصن مسلم. ليه؟ لان هو هو فعلا الذكر ده احسن وصف له. حصن المسلم. الانسان لو حافظ على الازكار دي لا يبالي بقى حسد سحر بقى شياطين الكلام ده كله ايه - [00:37:02](#)

مع السلامة. يعني دايم اقول للناس ايه انت ما تقدريش تصلح الدنيا كلها انا ممكن اظبط ايه؟ اظبط نفسي. انا ما اقدرش اروح للعدو واقول له ما تجريش ورايا انا اقدر اخش حصة ده اللي اقدر اعمله - [00:37:22](#)

فبعض الناس للأسف بيقتد يركز مع الناس يقولك ده بيحسدني اكيد الواد معطس غير كده وده عاملي عمل اكيد ويجيب ناس وهو قاعد بقى ايه يا عيني تايه في كل حاجة. واخذ بالك؟ يقول لك الشيطان هو شيطان الله يخرب بيته ربنا يلعبه ماشي يا عم. تمام.

بس انت هتفضل - [00:37:39](#)

يعني الناس ما بتخلصش. هو فيه كم واحد بيحسدك اللي ما تعرفهمش قال لك اكثر بكثير من اللي انت تعرفه. لو عندك ولاد في في مية بيحسدوك لو عندك منصب كويس فيه مية تانيين بيحسدوك - [00:37:59](#)

لو شكلك حلو فيه لو شكلك جميل فيه الف واحدة بتحسدك. لو اتجوزتي بدري فيه مليون واحدة هتحسدك. لو خطبت واحدة بنت ناس في ميت واحدة كل واحد فينا عنده حاجات كتير يتحسد عليها - [00:38:12](#)

طب انا اعمل ايه في اللي بيحسده؟ ولا تعمل اي حاجة ولا ولا لك دعوة بهم. خدوا راحتكم. انا في حصن مع نفسك انت بقى. اضرب انت السهام كما تشاء. لا اجالي بك. وما هم بضارين به من احد - [00:38:26](#)

الا بازن الله. ده يسحر لك ده يحسدك. انا انا اتوقع اتوقع ان ممكن يكون انا او انتم كل واحد فينا بيبقى معمول له سحر بس هو ما قصرش فيه - [00:38:39](#)

وفي في مية بيحسدوا كل واحد فينا. بس ما بياسرش فينا بسبب الله سبحانه وتعالى. هو الذي يحميننا كل اللي عليك انك تصلح نفسك بس. حافظ على اذكار الصلاة. اذكار الصباح واذكار المساء والاوراد وتقرأ شوية قرآن. تقرأ سورة البقرة تحافظ على الصلوات الخمس - [00:38:51](#)

والراجل يحافظ عليها في جماعة. شكرا كده نام بقى. ما تركزش مع حد. ما تشتغلش نفسك. بالزات الاخوات. الموضوع ده يعني بيشغلهم جدا. دي بصيت لعيالي. ودي بتقول على قالت على ابني كزا هو مواعيد سببه. ودي مش عارف دي بتعمل لي ايه. ودي ودي عشان انا خطبت لا لا مش هكلها تاني - [00:39:10](#)

ايه وجع القلب ده ما خلاص حافظ انت على نفسك وخلصت الناس مش هتخلص وهو الموضوع ده غالبه بيبقى سوء زن في الغالب ممكن يكون السبب معصية ربنا ابتلاك بها وخلص. يعني ما فيش حد بيحسدك ولا حاجة. وانت قاعد تتهم خلق ربنا كلهم عشان انت تطلع بريء في الآخر. وممكن بيحسدوك بس. يعني - [00:39:30](#)

دي مش مشغلكش تشغلك امن نفسي كويس الحصن بتاعي ازبطه صح. اهجمه بقى زي ما انتم عايزين. ما تفرقش معي الشيطان يهجم بقى حساد سحر. كل ده انا لا ابالي به. كل تعلقي بالضرار النافع سبحانه وتعالى. وما هم بضارين به من احد - [00:39:51](#)

الا بازن الله. واعلم ان الام لو اجتمعت على ان يضروك لن يضروك الا بشيء قد كتبه الله عليك. يبقى ركز مع ربنا بس. بس ونام بقى من الحاجات الجميلة - [00:40:12](#)

اللي بتخليك برضو كده تتحمس للذكر ان الذكر هو سر القوة مش المعنوية بس بل هو سر القوة المادية ايضا في قوة معنوية اللي هو قوة الارادة يعني. ارادة ان هو ايه يعرف ياخذ قرار. انما النهارده آآ حصل لي قيام ليل. انا النهاردة مش - [00:40:25](#)

ابص لاي واحد انا مش هشرب سجاير النهاردة. انا مش هسمع اغاني اسبوع. ارادة. قوة معنوية. دي قوة معنوية. والقوة المادية قوة البدن الذكر سبب القوة المعنوية ودي ممكن احنا فاهمينها بل هو سبب القوة المادية ايضا. يعني الانسان يكون قوي اقوى من الزني لا يزكر - [00:40:45](#)

النبي عليه الصلاة والسلام جاء له علي وفاطمة عايزين خادم. وهو ما كانش عنده خادم يديه لهم. فقال الا ادلكم على ما هو خير لكما من خادم يعني ايه اللي بدأ الخادم؟ قال لهم حاجة غريبة جدا. قال اذا اويتما الى فراشكما - [00:41:05](#)

فسبحا ثلاثا وثلاثين. واحمدا ثلاثا وثلاثين وكبرا اربعا وثلاثين. فهذا خير لك ومن خادم. بس بس طب ايه علاقة ده بده لازم تصدق.

حافز على دي. تجد فعلا نشاطك زاد وقوتك زادت - [00:41:21](#)

يروى في القصر ابن تيمية كان يحكي اثر عجيب ان الملائكة لما امر الله الملائكة ان تحمل العرش لما حملة العرش يعني فقال يا رب ومن ذا الذي يطبق ان يحمل عرشك؟ مين ده يقدر يحمل عرش الله؟ سبحانه وتعالى اعظم مخلوق خلقه الله العرش - [00:41:39](#)

قال من الذي يطبق ان يحمي عرشك؟ قال قولوا لا حول ولا قوة الا بالله فقالوها وحملوا العرش. قالوها وايه؟ وحملوا العرش. لا حول ولا قوة الا بالله دي قصة. قصة كبيرة. دي فيها حكاوي بقى ما تخلصش - [00:41:57](#)

قد ايه هي فيها بركة؟ فعلا الزكر ده له فعلا اثر حقيقي في القوة. وده مجرب يعني انا قصص كتير اتحكت لي وكده ان الكلمة دي فعلا تؤثر في قوة الانسان المادية بالفعل. بالفعل. وكان الصحابة اذا تعصى عليهم حصن من حصون الروم كانوا - [00:42:11](#)

اشتغلوا بالزكر ده بس يتفقوا مع بعض يقولوا ايه؟ لا حول ولا قوة الا بالله. فمجرد ما ينشغلوا بالزكر ده يفتح الحصن ايه؟ يفتح

الحصن على الفور. ابن تيمية رحمه الله - [00:42:31](#)

كان يجلس من الشروق لغاية قرب الظهر. مش بقى اقصد من الفجر لغاية قرب الظهر. مش للشروق بقى زينا. احنا اجدع واحد فينا

بيقعد ايه؟ بيقعد للشروق. كان هو ممكن يقعد الساعة عشرة مسلا في - [00:42:41](#)

مسجد يقعد يذكر ربنا بس. بس. ما بيعملش حاجة لا بيكتب ولا بيناظر ولا بيجاهد ولا بيعمل حاجة. هو قاعد لغاية عشرة الصبح زكر.

فيعني يسأل عن ذلك. يعني انت قاعد كل الساعة عشرة بتعمل ايه - [00:42:51](#)

وقال هذه غدوتي هذه غدوتي. لو لم اتغدها سقطت قوتي يعني انا لو وفرت حبة الوقت دول وقلت عشان الوقت هعمل اقل من اللي

كنت هعمله انا لو فاضل لي عشر ساعات في اليوم - [00:43:05](#)

ولو انا ما قعدتش القعدة دي هيبقى عندي اربعتاشر ساعة لأ هعمل في العشرة اكر من اللي هيعملوه في الايه؟ في الاربعتاشر عشان

دي بتقويني. ما اجيش بقى طالب دلوقتي يقول لك لا ما انا ما اعرفش انزل اصلي في مسجد اصل المذاكرة. اصل انا ورايا مش

عارف ايه لا بالعكس. البركة والقوة - [00:43:23](#)

والنفع كله في انك انت تذكر ربنا سبحانه وتعالى. فكان ابن تيمية بقى ابن القيم يحكي عنه يقول كان يكتب في اليوم ما يكتبه

الكاتب في جمعة يعني يقعد يكتب قلم مسيل يكتب يكتب ورق يحسبوه يقولوا غيره بيكتبه في اسبوع. اللي كان ابن تيمية

يكتبه في ايه؟ يكتبه في يوم واحد - [00:43:40](#)

وفي يوم واحد فالانسان يدرك ان الايه القوة دي تأتي الناس اللي بتروح الجيم اقعد قول اذكرك بدل ما تحط الاغاني في ودنك وتشغل

راني في الجيم ومش عارف ايه هو بيقول اذكرك. ها هتعد النهاردة لاربعة مجموعات في اتناشر. يلا سبحان الله والحمد لله ولا اله الا

الله والله اكبر هتقولها ثلاث مرات خلصت الايه؟ خلص المجموعة الاولى - [00:44:00](#)

الحمد لله. خش على المجموعة الثانية. اه لا اله الا الله اتناشر مرة. المجموعة الثالثة استغفر الله اتناشر مرة. كده ايه المشكلة يعني في

ناس بتقول لك هو ايه ده! قرآن في الجيم - [00:44:20](#)

ايه يا عم! بالعكس ده هو ده اللي بيقوي البدن. بل المعصية تؤدي الى وهن البدن. كما قال ابن عباس ان للمعصية ظلمة في القلب

وسوادا في الوجه. ووهنا في البدن - [00:44:31](#)

وبغضا في قلوب الخلق وضيقا في الرزق. شف بقى كل البلاوي دي. اه فيه قرآن في الجيم ما ييقاش فيه قرآن في الجيم ليه؟ وازكار

في الجيم. ايه المشكلة؟ ولا حول ولا قوة الا بالله في الجيم - [00:44:42](#)

يعني المهم يعني دي حاجة كده مع نفسك ويعني. طيب الحاجات الجميلة للزكر اللي بتشجعك انك انت آآ اثر جميل قوي كلنا عارفين

قصة سيدنا يونس والقاءه في بطن الحوت - [00:44:52](#)

لكن من الحاجات اللي مش مشهورة ان يونس عليه السلام لما كان يسبح رب العزة في بطن الحوت. مين اللي سمعه ربنا طبعا سمعه.

لكن الملائكة سمعتهم. لكن العجيب ان الملائكة - [00:45:09](#)

عارفة الصوت بس الصوت ده ما كانش ببيجي من هنا قالوا فصعدت الملائكة الى الله وهي طالعة بقى بالتسبيح. قال يا رب صوت ضعيف نعرفه صوت ضعيف نعرفه يعني ما كانش ببيجي من هنا - [00:45:27](#)

الصوت ده كان ببيجي من حته تانية قال اما تعلمون من هذا؟ قال يا رب من هذا قال هذا عبدي يونس ابن مته هذا عبد يونس ابن متى الملاك عرف مش مصدقة هو الصوت هو الصوت - [00:45:46](#)

بس ايه اللي جابه هنا؟ وازاي في بطن الحوت؟ وايه اللي حصل فالملايكة طالعة بتقول يا رب صوت ضعيف نعرفه. شف بقى نعرفه دي هي دي اللي انا عايز اوصلها نعرفه - [00:46:00](#)

تعرف الى ربك في الرخاء كافي ليه؟ في الشدة. والملايكة تطلع تشفع لك قلت له يا رب العبد ده ففي الاثر قال يا رب الا ترحم ذكره لك في الرخاء - [00:46:12](#)

يعني ده ده كان احسن واحد في الذكر يا رب ارحم حاله في الرخاء فامر الله تعالى الحوت فلفظه الحوت كما قال سبحانه وتعالى فلولا انه كان من المسبحين للبس في بطنه الى - [00:46:25](#)

فلولا انه ايه؟ كان هو اصلا كان شغال. من قبل ما يدخل بطن الحوت هو كان من المسبحين. فلما كان يعرف الله سبحانه وتعالى جيدا في الرخاء عرفه الله سبحانه وتعالى ايه؟ في الشدة - [00:46:40](#)

دي من الحاجات الجميلة في بعض بقى الاثار التانية ان الشخص المعرض عن الله اذا يعني ما ذكرش ربنا بس الا لما يحصل له مشكلة تصعد الملائكة تقول يا رب صوت منكر - [00:46:54](#)

من عبد منكر اول مرة في حياتنا نسمع الصوت دوت عشان هو في ازمة بس. بس اول مرة نسمع الصوت ده. كان فين الصوت دوت قبل كده؟ تخيل بقى الملايكة تقول عليك كده. يا رب صوت منكر - [00:47:09](#)

من عبد منكر الانسان ينشغل في الرخاء بالزكر اياك تكون مع ربنا مصلحي. يعني ايه مصلحي يعني تكون مزمووم. ازاى يعني ربنا زكر اقوام بالزم انهم ما يعرفوش ربنا الا في المصلحة بس. وازا مس الانسان الضر دعانا لجنبه او قاعدا او قائما - [00:47:25](#)

فلما كشفنا عنه ضره مر كأن لم يدعونا الى در ماسة كذلك زين للمسرفين ما كانوا يعملون. سورة يونس دوت يعني في ناس كده بيذكر ربنا كويس قوي بس في الازمة بس. قبل الامتحانات - [00:47:47](#)

وادعية وتواشيح بطل اغاني وصلي الفجر وادعية وادعي لنا يا عم الشيخ وبتاع وتلاقه يبص على الصراط ووقف كلام مع بنات وبطل انت عارف ايه وما فيش افلام اباحية والعادة السرية نريح شوية. كل ده عشان ايه؟ عشان الامتحان يعدي بس بعد الامتحان هو يوم الامتحان اتفق على السينما والخروجة والبنات والحشيش - [00:48:05](#)

وكل حاجة اتزبطت خلاص في يومه مشكلة يموت لواحد صاحبه تلاقه كويس في مسجد اسبوع الله ينور. صلاة وعبادة وادعي لنا وصدقة جارية وعايزين نعمل له حاجة يا اخواننا ونتعز شوية - [00:48:25](#)

موتوا والشباب كلهم هو اسبوع خلاص اول ما دعا لصاحبه شوية انسى صاحبه ده بقى ايه ونرجع تاني ليه لصحابنا التانيين.

فالانسان المصلحي ده بغيض لا تكن واصلح لي اعرف ربنا دائما انه يخشى انك انت اذا لم تعرفه في الرخاء لا يعرفك في الايه؟ لا يعرفك في الشدة. تكون احوج ما تكون اليه - [00:48:39](#)

تخيل الشدة دي مسلا كانت خاتمة مسلا ايه الحل؟ ما فيش حل بعديها. يا يعرفك يا ما يعرفكش يثبت الله الذين امنوا. له سوابق مع ربنا. سوابق تمام القول السابت في الحياة الدنيا عند الموت يعني وفي الآخرة. ويضل الله الايه؟ الزالمين. مش هيعرفك ساعتها. مهما عملت - [00:49:02](#)

ما يعرفكش انت ما عرفتنيش في الرخاء. مش هاعرفك في الشدة بقى خلاص ويضل الله الظالمين ويفعل الله ما يشاء. ويفعل الله ما يشاء الحاجات الجميلة للذكر ان هو بيعينك على انك انت تبطل غيبة ونميمة والكلام دوت - [00:49:25](#)

من الغيبة والنميمة بتأتي للسان الفارغ. اما اللسان المشغول فهو ابعد اللسان عن الايه عن المنكرات ديت فاللي بيوقع في الكلام والغبية والنميمة يشغل نفسه بالذكر. بعد فترة هتلاقي نفسك بتبخل بالكلام على الناس اصلا. تبخل بالكلام على الناس. خصوصا الناس

اوراد يعني يعني بص من الحاجات الجميلة اللي تخليك تبطل تتكلم كثير انك انت اعمل لنفسك ورد يومي مش زكر مطلق وخلص لأ من زكر مطلق اي حد هيقاطعك هتقطع وخلص. لكن انا مسلا ايه كل يوم هسبح الف مرة مسلا. هستغفر الف مرة. هقرا جزئين مسلا -

00:50:02

ما فيش وقت بتلاقي نفسك ايه مش عايز تتكلم مع حد. تقعد في المواصلات ما تكلمش اللي جنبك. آآ تقعد في الشغل لو في وقت

فاضي ما تتكلمش مع حد بتقعد تخلص الايه؟ تخلص الاوراق بتاعتك - 00:50:21

لو هات هات حد فتح معك كلام تلاقي نفسك بتقفل معه. غير زمان. زمان كنت تفتح وتتكلم وتزرع. ما وراكش حاجة لكن دلوقتي

بدأت ايه؟ اه تمام تمام. يقول لك ايه ايه رأيك في اللي حصل في البلد؟ الله ربنا يسر الحال - 00:50:31

ربنا يهدي ان شاء الله خير ان شاء الله خير قاعد انت اهي تلغوش تقفل ما فيش وقت خلصني وقاعد انت ايه وتمسك المصحف

شوية عايزهم يعني بيعدوا عنك يعني. فده - 00:50:46

فعلا بيحصل اللي له اوراد وله اذكار سابتة بيلقي نفسه بعد فترة مش عايز يتكلم مع حد. حتى مش عايز يتكلم في الامور العادية

حتى لو مش حرام. حتى الامور المباحة العادية دي - 00:50:56

بقي بيزهد في الكلام فيها. فبيتكلم بس لو فيه مصلحة. ما فيش مصلحة يعني خيلنا في اوردنا اولي بنا. ولكن اللي اصلا ما لوش لا

اوراد ولا زكر. ما فاضي بصوا هو اصل الانسان بطريقته بيحب يتكلم. فعايز يقول حاجة يعني - 00:51:06

فلو ما قالش ما زكرش ربنا هيزكر غيره. تقول لي طب اذكر ربنا ما هو الانسان برضو بيحب يعني الانس وكده. ما هي دي بقى ما انت

هتوصل للانسان بالله - 00:51:20

فلذلك بعض السلف قال قيل له يعني الا تتكلم قال اني منشغل بذكر الله. قال الا تستوحش يعني انت قاعد كده مش مش حاسس

بوحشة وانت قاعد لوحده؟ قال كيف استوحش - 00:51:29

وهو جليس من ذكره سبحانه وتعالى هو جليس من ذكره سبحانه وتعالى. الذكر ده بيخليك تابه؟ تريخ من ايه؟ من القصة ديت. من

حياة جميلة في الزكر ما قاله حكيم بن محمد - 00:51:44

قال بلغني بلغني ان دور الجنة تبني بالزكر انت طول ما بتذكر في دلوقتي بنى شغال قال فاذا توقف العبد عن الزكر توقفت الملائكة

عن البناء فاذا قيل لها ذلك - 00:51:59

قالوا توقفنا حتى تأتينا نفقة توقفنا حتى تأتينا ايه؟ نفقة. الدفعة خلصت خلاص. هو وقف اول ما يذكر هنرجع ايه؟ نكمل ثاني

وابراهيم عليه السلام لما قال اه يعني اه اه قال النبي عليه الصلاة والسلام قال ان الجنة طيبة طيبة التربة وان غراسها - 00:52:19

سبحان الله والحمد لله ولا اله الا الله والله اكبر. ترك الذكر يسبب لك كارثة. هي الكارسة دي الكارثة دي هي ان الله ينساك كما انت

نسيته دي من اخطر الامور اللي تخليك تتشبث بالذكر. انك انت مش بس خايف انك انت تخسر اللي انا قلته. لا انت خايف توصل

للمرحلة السيئة جدا. ان انت زي ما انت ناسي ربنا - 00:52:41

هو ينساك سبحانه وتعالى. يعني ايه ينسان يعني او ينسيك نفسك. خيلنا ينسج دي اقولها كمان شوية. ينسيك نفسك. يعني ايه

ينسيني نفسي يعني نسوا الله فانساهم ايه انفسهم. يعني ايه ربنا يخليني انسى نفسي؟ هو في حد بينسى نفسه - 00:53:06

لا كلنا بنفكر نفسنا طبعاً بس في واحد لما بيفكر نفسه بيفعل لها الصالح ابو فهد لما يفتكر نفسه بيفعل لها الطالح والمضر بها. لما

ربنا يفتكره نقصد بيفتكره يعني يرعاه يعني يخليك لما لما تهتم بنفسك - 00:53:26

تفعل لها ما يصلحها ولما ربنا ينساك يخليك تؤدي بنفسك الى المهالك يعني لما ربنا يعني الانسان لما يزكر ربنا ربنا بيزكره. ولما يزكره

يوفقك بقى. فتلاقي نفسك مقبل على الصلاة. مقبل على - 00:53:42

مقبل على قراءة القرآن. مقبل على بعيد عن المعصية. بعيد عن البنات مش عارف ايه. وتلاقي نفسك كده مهدي كده مع نفسك تلاقي

شاب مسلا طول حياته ما ما جاش في باله موضوع البنات والاباحيات والحاجات دي. مش مشغول الحاجة دي يعني هو عادي هو

هيتجوز عادي زي الناس ما فيهوش حاجة - 00:54:00

ما فيهوش عيد يعني سواء الحاجة دي مش شاغلاه يعني حاسس ان قال لكل العيال بقى عاملين الموضوع ده مكبرينه. الموضوع ده مسيطر على دماغهم. هو مش عارف الموضوع ده مش بييجي له يعني - 00:54:18

هو مشغول مشغول بحاجة تانية. بيجد نفسه موفق كده في الطاعة ويجد نفسه معصية دي مش مش بتشغله في حاجة. ده ربنا يذكره دائما. اكيد اكيد. لكن لو ربنا نسي عبد - 00:54:30

تجعله يفعل الامور التي تهلكه. هتلاقي نفسك بتقع في المعاصي. هتلاقي نفسك تهمل الطاعة. تلاقى نفسك تعرض عن الايه؟ عن المصلحة المصالح حياتك ممكن مسلا تلاقى شاب من الحاجات الغريبة اللي بتحصل مسلا لما تكلم حد في طاعة مسلا او حاجة ربنا امر بيها هو بيعمل خلافا فيقولك انا حر او - 00:54:44

انت تقول انا حر انا اعمل اللي انا عايزه الكلمة دي غريبة شوية. ليه اي انسان عاقل. عشان كده اقول لك انساهم انفسهم ده بيحولك لانسان مش عاقل اصلا. مش عاقل. لان اي حد عاقل يا اخواننا اذا حصل - 00:55:06

قدامه اختياريين واختيار افضل من اختيار العاقل بيختار الايه؟ الافضل. طبيعي ولو اختار الاقل يبقى مش طبيعي. خسارة لو الاقل ده مش اقل مسلا هو كويس بس قال لا ده وحش خالص - 00:55:21

يعني لا اختياريين حاجة كويسة جدا وحاجة سيئة جدا طبيعي اختار الكويس جدا انا دلوقتي اي شاب بيعمل حاجة حرام مسلا بيشرب سجائر يعاكس بنات بيعمل اي حاجة. انت الواد تقول له انت مؤمن بالله مش كده؟ يقول لك طبعاً ونعم بالله - 00:55:33
قلت له طيب اللي ربنا شرعه افضل لنا ولا اللي احنا نختاره لنفسنا افضل لنا يقول لك لا طبعاً اللي ربنا يقوله احسن اكيد. هو اعلم بنا قلت له طيب انت الان بتختار لنفسك انك انت تمشي مع بنات. وانت اخترت الاختيار دوت. وربنا قال ولا متخذي اقدام - 00:55:48
نهى الرجل ان يكون لي اصحاب بنات اختار ايه؟ ايه رأيك تختاري ايه هو قاعد في مزق اما هي تقول لك انا هختار الاسوأ يبقى مش عاقل اه يقول لك لا ده هو ده الاحسن - 00:56:08

يبقى كده ممكن يقع في كفر بقى لو ايه لو شايف ان اللي هو اللي هو بيعمله ده احسن من شرع ربنا هو اتزنق دلوقتي. يا اما تقول ان شرع ربنا - 00:56:23

اسوء من اللي انا فيه او انا احسن الاختيار بتاعي احسن وده ما فيش مؤمن ممكن يقول كده او تقول انا مش طبيعي ربنا امرني بكزا وانا متأكد ان امر ربنا هو الافضل وهو الخير - 00:56:33

وانا هعمل عكسه يبقى انت مش طبيعي. لما بشوف واحد كده مش ممكن افسر الحالة دي الا في تفسير واحد. نسوا الله فايه فانساهم انفسهم. هي شايف الغلط وعارف الصح وكل حاجة بتقول له ده صح. وفيه واحد بيدعوه الى الله. وبرضه مصمم يعمل غلط. وهو مستريح كده. ويقول لك انا حر كمان بكل بجاجة - 00:56:45

وده لها تفسير لو ان الشخص ده معرض عن الله فاعرض الله عنه. فاياك ان تكون بهزه الحالة. فيه فرق بين واحد بيعمل غلط وندمان يقول لك انا عارف ان ده الصح وانا بحاول - 00:57:08

جاهز وان شاء الله هبطل. فهد يقول لك لا لا لا بقول لك ايه سبني في حالي انا حر مش طبيعي ده لا يمكن ان هو شخص معرض فاعرض الله عز وجل عنه. نسال الله السلامة والعافية. من اجمل الحاجات للذكر ان الذكر هو سبب حسن الخاتمة - 00:57:19

دوام ذكر الله سبب حسن الايه؟ الخاتمة. لذك النبي عليه الصلاة والسلام قال الوصية الجامعة دي. لما راجل قال اوصني قال لا يزال لسانك من ذكر الله. ليه الوصية دي وصية يا جماعة يا اخوانا؟ هو دلوقتي احنا كلنا خايفين من ايه؟ من الموت. يعني هو الحاجة اللي بتخوفنا كلنا ان احنا نموت. طيب لو ان انسان مداوم - 00:57:34

على الذكر. خاف من الموت اذا كانوا ملك الموت في اي لحزة هيجدوا في حالة ذكر. لا يزال تقول لي هو حد يعرف يتكلم طول الاربعة وعشرين ساعة؟ احنا قلنا ان الذكر مش كلام - 00:57:54

ذكرى عملية قلبية محضة انك انت لا تغفل عن الله في قلبك. فاما بتصلي بتدعو الى الله بتتفكر بتتدبر بتحاسب نفسك بتراجع زنوبك

بتذكر ربنا بتستغفر اي حاجة ده كله اسمه زكر لا يزال لسانك رطبا من زكر الله. طبعاً اللسان اثر من اسار الايه؟ من اسار القلب. لكن لو جالك الملك الموت وانت في حالة قلبية كويسة - [00:58:08](#)

جدا. لو كمان اللسان ده تبقى في العاليي خالص. لان دي اعلى الدرجات. اجتماع القلب مع الايه؟ مع اللسان فمن اسباب حسن الخاتمة ان يديم الانسان زكر الله. سواء بقلبه او سواء بايه؟ باللسان. خالد بن معدان - [00:58:31](#)

وهو يعني صحابي جليل آآ كان كما يحكون عنه كان يسبح في اليوم اربعين الف تسبيحة. كل يوم يسبح اربعين الف تسبيحة غير وردوا في القرآن طبعاً غير ورده في القرآن. فلما حضرته الوفاة وكان يحتضر احتضر. هل محتضر ده يعني ما بيملكش نفسه؟ يعني اوعى واحد فاكراً مسلاً ايه يسمع - [00:58:46](#)

حديث من قال لا اله الا الله يعني من كان اخر كلامه في الدنيا لا اله الا الله دخل الجنة يقول لك سهل عادي يعني. لما اجي اموت هقول لا اله الا الله وخلاص لأ حبيبي. في حالة السكرات - [00:59:10](#)

ما فيش بقى ما فيش بقى انا حاسل دي. دي بقى بتوفيق من ربنا. حالة السكرات دي اللي هتعملوا فيها هو مكافأة نهاية الخدمة افهمها كده. مكافأة نهاية الايه؟ الخدمة. خدمتك حلوة هتتكافئ في اللحزة دي - [00:59:19](#)

خدمتك مش تمام الله المستعان قالوا فوجدوا خالد بن معدان يرفع يديه بالتسبيح كما كان يفعل في يقظته. يعني هو في السكرات قاعد يعمل كده. شغال لسانه شغال عادي. وهو اصلاً مش حاسس بحاجة - [00:59:33](#)

مش حاسس مين بيتكلموا مش حاسس مين معاه وفاضل شغال بالزكر الى ان لقي الله سبحانه وتعالى محمد ابن ثابت البوناني ثابت النبي ده طبعاً حاجة عالية جداً من السلف في - [00:59:49](#)

عبادة والقيام وكده ليه اساطير يعني المهم ابنه كان قاعد جنبه في حال الاحتضار فقال لك آآ القنه يعني الشهادة عمل جدع شوية يعني. فلقنه الشهادة. ما ردش عليه تلقنه الشهادة فردش لا لا لا الحق نفسك فقاعد بقى ايه فشد فلقنه الشهادة فغضب - [00:59:59](#)

والتفت اليه قال خلي عني فاني في وردي السادس او السابع شغال اوراد اصلاً انا اللي انت انت بتكلمني في ايه؟ انا شغال في وردي عادي اصلاً. الورد بتاعي بتاع كل يوم انا شغال فيه عادي. الف تسبيحة في الف استغفار وجبت جزئين - [01:00:22](#)

انت بتعطلني عشان كده ما كنش بيرد طبعاً احنا شفنا فيديوهات بقى ايه كلنا شفناها الناس اللي بيموتوا في سوريا يموتوا في حلب ومش عارف ايه. شفنا ناس وهم تحت البنج بيقرأ قرآن. بنج مش هقول لك بقى احتضار بنج - [01:00:40](#)

يعني ما فيش بيقرأ قرآن وهو في البنج وهم شغالين بيقطعوه وهو بيقرأ قرآن. هو مش حاسس بحاجة وفي ناس عند الموت قعد يقرأ قرآن لغاية ما مات فيديوهات متسجلة. بيقرأ قرآن بيجيب قرآن عادي وهو في السكرات. دي حاجات حية شفناها شفناها - [01:00:56](#)

كلنا افضل اسباب حسن الخواتيم. ان يديم الانسان زكر الله. يكافئ بحسن الخواتيم. تعالوا ناخده حاجة بسيطة كده من حال مع الزكر معاذ ابن جبل يقول لان اذكر الله من بكرة الى الليل - [01:01:13](#)

احب الي من ان احمل على جياذ الخيل في سبيل الله من بكرة الى الليل وقال ابن مسعود قال موسى ربي اي العمال احب اليك؟ قال اكثرهم لي ذكراً. وقال كعب من اكثر من ذكر الله - [01:01:32](#)

برئ من النفاق. قالوا لم؟ قالوا الم تسمعوا قول الله تعالى وقال آآ قال آآ واذا قاموا الى الصلاة قاموا كسالى يراءون الناس ولا يذكرون الله الا قليلاً. فاذا اكثر الانسان من ذكر الله برئ من الايه؟ برئ من النفاق خاصة لما بيذكر ربنا لوحده. اصل وسط الناس تشك في نفسك. لكن لوحده ايه اللي يخليني اذكر ربنا لوحدي - [01:01:50](#)

الا ان انا ان شاء الله اكون مش هكون مش منافق. قالوا ان يوسف عليه السلام منز ان دخل السجن لم يتوقف عن الزكر قط وكان لا يهدأ ابداً في زكر الله تعالى. وكان لابي هريرة خيط فيه الف عقدة. كان لا ينام حتى يسبح - [01:02:17](#)

سبح به كان لا ينام حتى يسبح بهم. وكان بلال كلما عذبه المشركون قال احد احد فقالوا له قل واللوات والعزى قال لا احسن. ما اعرفش اقول كده. ما اعرفش اقولها. رغم ان هو كان في الجاهلية ممكن كان يقولها. مش كده؟ بس ما بقاش يعرف يقولها -

دي حاجة تانية تخليني ارجع للثمرات بتاعة الذكر انك انت بعد فعلا فعلا لو ادمنت الذكر بمعناه القلبي دوت اجتماع القلب مع اللسان هتلاقي فيه حاجات ما بقتش تعرف تعملها. رغم انك انت كنت ايه - [01:03:00](#)

يعني معلم فيها. هتلاقي نفسك بعد فترة بقى يعني الموضوع ده مش مش في الاول. في الاول يعني هتحس نفسك ايه؟ ما الغنا شوية والذكر شوية وبعد كده ايه بقيت اقفل شوية بعد كده تلاقي نفسك مش قادر تسمع اغاني - [01:03:14](#)
 قادر مش قادر لو دخلت مسلا قعدت في مشروع مسلا مشغل مهرجانات ولا بتاع مش قادر عايز تنزل عايز توصل باي شكل انت قاعد في جحيم حقيقي صرت لا تحسن هذا الامر. لا تحسن. ما بتعرفش تغتاب خلاص. ما بتعرفش - [01:03:28](#)

ما تعرفش تقول في حد حاجة وحشة ما بتعرفش تشتم رغم ان انت كنت بتشتم كل خمس كلمات لازم شتيمة. معروف. لكن دلوقتي ما بقتش اعرف اشتم. انا ما اعرفش يعني لو اتعرفت حتى ما بقتش اعرف اشتم - [01:03:47](#)
 مش بعرف بقيت اتعودت لساني اتعود على الكلام الطيب ما بقاش يعرف يشتم ما بقاش يعرف يغتاب. ما بقتش اعرف مش بجاهد نفسي. لأ انا ما بعرفش اعمل كده ما اعرفش اقول العيب ما اعرفش اقول غلط - [01:04:00](#)

دي من بركة الذكر بقى وده من معاني قوله تعالى فاولئك يبذل الله سيئاتهم ايه؟ حسنات. المعنى اللي انت فاهمه ان هو يبخلي السيئة ايه؟ حسنة. السيئة اللي انكبتت يخليها حسنة. المعنى الثاني - [01:04:14](#)
 ان هو يجعل لك بدل السيئة اللي كنت بتعملها تعمل بدلها ايه؟ حسنة. بدل ما كنت تسمع اغاني خلاك تحفز قرآن. بدل ما كنت بتقعد في آآ على القهوة والشيش - [01:04:25](#)

بقت تقعد في مجلس علم. بدل ما كنت بتمشي مع بنات تمشي مع ايه الناس صالحين ومش عارف ايه. بدل لك ازاى؟ بحسنة حقيقية في فعل فعل تغير اصلا ده من بركة انك انت ايه تديم الذكر. ان ربنا يبذل لك سيئاتك حسنات حتى انك انت السيئات دي اللي انت كنت مدمنها. ما بقتش اصلا تعرف تعملها - [01:04:35](#)

قال ابو الجلد قال اوحى الله الى موسى يا موسى اذا زكرتني فازكرني وانت تنتفض اعضاؤك وكن عند زكري خاشعا مطمئنا واذا زكرتني فاجعل لسانك من وراء قلبك نخلي القلب ايه؟ هو الاول - [01:04:55](#)
 وصف علي رضي الله عنه الصحابة فقال كانوا اذا ذكروا الله مادوا كما تميد الشجرة في اليوم الشديد الريح قرت دموعهم على ثيابهم. قال زهير الباهي ان لله عبادا ذكروه فخرجت نفوسهم اعظاما واشتياقا. وقوم - [01:05:25](#)

هم ذكروه فوجلت قلوبهم فرقا وهيبة. فلو حرقوا بالنار لم يجدوا مس النار. واخرون ذكروه في الشتاء فغرقوا خوفا وقوم ذكروه فحالت الوانهم. وقوم ذكروه فجفت اعينهم سهرا فجفت اعينهم سهرا - [01:05:45](#)
 هذه منازل عالية. قال ذو النون المصري قال ما طابت الدنيا الا بذكر الله. وما طابت الاخرة الا بعفو الله. اما طابت الجنة الا برؤية الله سبحانه وتعالى. الا برؤية الله سبحانه وتعالى. فهذه احوال - [01:06:05](#)

يعني اه كان احد السلف اه يعتمد ان هو ياخذ صديقه ويزهبه الى السوق. فيقول له يعني واخديني للسوق ليه؟ قال هلم بنا نذكر الله هنالك يعني تعال نروح السوق نذكر ربنا هناك. وكانوا يذكروا ربنا ويعلموا صوتهم عشان يذكروا اهل السوء بالايه؟ بالذكر. فخدوا يوم السوء وراحوا. فقال تعالى نذكر الله - [01:06:25](#)

في غفلة الناس فقعدها يذكروا ربنا دخلوا السوق ما اشتروش حاجة. هم قعدوا يذكروا ربنا بس ايه؟ في السوء. حتى تفرقا لغاية ما كل واحد ايه يروح. فمات احدهما مات واحد في الليلة ديت. فالمهم الثاني نام فرآه في المنام. بعد ما دفنه وبتاع نام رآه في المنام. فقال ان الله قد غفر - [01:06:45](#)

ولنا في هذا اليوم الذي التقينا فيه في السوق. يعني هو اليوم ده هو ده اليوم اللي نفعلنا. اللي غفر لنا ان احنا زكرنا ربنا في بنات الناس في غفلات الناس. آآ كيف نصل بقى؟ ده المحور الثالث اللي احنا عايزين نتكلم عليه - [01:07:05](#)
 دي هنقولها بسرعة لان هي ابن الجوزي اختصر لنا الكلام ده في سبع خطوات سبع خطوات ابن الجوزي قالهم فيهم خلاصة الكلام كيف

تصل الى استشعار حلاوة الذكر ازاى انا يعني احضر نفسي كويس واحس بحلاوة - 01:07:25

الذكر سواء القرآن او غيره. قال ابن الجوزي اول ما يحتاج اليه الذكر التفرغ من الشواغل الظاهرة هتبقى الشواغل الظاهرة مش موجودة انت مش مشغول. انت فاضي بقى مركز طبعاً هتقول لي طب ما انا فيه حاجات مشغول ما هو بص ما انت اللي هتعمله ده هينفعك وانت مشغول هتبقى اداك احسن شوية - 01:07:41

بس عشان توصل للحاجة العالية دي لازم السبع شروط دول. قال التفرغ من الشواغل الظاهرة. عشان كده احسن اوقات الذكر جوف الليل الاخر بعد الفجر. لو ما فيش حد اللي هيتصل - 01:08:01

اتصل بك ولا في عيال ولا في بتاع كله نايم ده احسن وقت تذكر ربنا فيه نمرة اتنين قال تسكين الجوارح عن الحركات الشاغلة. هو ما فيش مشاغل وانت نفسك اهدى - 01:08:11

ما تتحركش اسكت اقعد اخشع. اطرق رأسك يعني ايه؟ اقعد جلسة كده انت نفسك في سكينة في الجلسة ما تمسكش موبايلك بقى ما تلعبش الفيس ما تفتحش نت اقفل بقى خالص الايه القصة ديت - 01:08:23

نمرة ثلاثة قال قطع الفكر عن القلب ما تفكرش في اي حاجة ده خلاص ما تفكرش في المذاكرة ما تفكرش في المرتب ما تفكرش في الجمعية ما تفكرش في حاجات البيت - 01:08:38

اقفل بقى. كده كده انت قاعد يعني تفكير ايه فايدته ايه تفكير سلبي لان انت مش هتعمل حاجة. فوقف اي تفكير في اي حاجة تانية نمرة اربعة قال استشعر قبل ان تبدأ بعظمة من ستذكره - 01:08:49

اقعد بقى استحضر كده الملائكة واستحضر العرش ويوم القيامة حضر قلبك قبل ما تقول الذكر. نمرة خمسة قال استفرغ الوسع في تجويد الذكر تجويد الذكر انك انت تقوله اولاً يعني آآ ببطء استرسل فيه تقول له جراحة مع فهم الكلمة اللي بتقولها. سبحان الله!

تنزيه الله - 01:09:03

احترام كل نقص. الحمد لله نسبة الكمال وحمده على نعمه. الله اكبر. لا اله الا الله. سبح قدوس. تبقى فين بتقول ايه؟ وتقولوا بهدوء كده وسكينة وكلمة كلمة نمرة ستة قال اطالة المجلس ما امكنه. ما استعجلش لان السمرة دي مش هتحسها في اول المجلس خالص -

01:09:26

يعني يمكن في الاخر تبتيدي يعني ايه تزوق الحلاوة بس في كل مرة بتوصل اسرع. يعني لو وصلت دلوقتي بعد ساعة ممكن المرة الجاية توصل على ساعة الا ربع ممكن بعد كده توصل بعد نص ساعة. ممكن بعد بقى ما تبقى جامد هم خمس دقائق بيتندي ايه -

01:09:46

بيتندي قلبك يحضر والدمعة تحضر وكل حاجة. يبقى دي نمرة ستة. قال بيقول سبعة بقى دي جميلة. يقول يحفظ قلبه قدر ما يستطيع ما بين هذه الجلسة والجلسة التي تليها - 01:09:59

ويجتنب الملهيات. يعني يقول لك ما هي العملية ايه؟ احنا لسه هنقعد تاني. يعني انت النهاردة الليلة دي؟ طب الليلة الجاية؟ يقول احفظ بقى قلبك في الفترة اللي ما بين الليلة دي واللي - 01:10:14

الجاية. عشان الليلة الجاية ان شاء الله نبقى احسن وتوصل اسرع. فدي سبع حاجات قالوا من الجوز. ابن القيم بقى بيقول كلام جميل. بيقول من الذاكرين. بيقول الذاكرين على حالين - 01:10:24

بيقول من الذاكرين من بيتندي بذكر اللسان ثم بعد ذلك يحضر قلبه. يعني بيتندي باللسان كده وخلاص وايه وربنا يسهل يعني. وبيتندي يركز يركز يركز لغاية ما قلبه يبجي. تمام. بيقولوا منهم - 01:10:34

من لا يرى ذلك. يقول لأ. بيقد يركز الاول يجيب قلبه وبعد كده يبدأ يركز بالايه؟ باللسان قال فالاول ينتقل من اللسان الى القلب. والثاني ينتقل من القلب الى اللسان - 01:10:48

فيسكن اولاً حتى يحس بحلاوة ما سينطق اذا حس بذلك انطلق من القلب الى الذكر اللساني. ثم يستغرق في ذلك حتى يجد كل شيء منه زاكراً. وافضل الذكر انفع ما تواطأ فيه القلب واللسان ما تواطأ فيه القلب واللسان - 01:11:02

ويعني من النصائح ايضا ان الانسان يراعي ان الجو حواليه يبقى يبقى يعني فيجلس في موضع يستقبل القبلة يجلس متذللا متخشعا في في وقار مطرقا رأسه على طهارة وهذه الاشياء - [01:11:21](#)

اخيرا في عجلة آآ هنذكر آآ في دقائق مجموعة من فضائل الذكر بدون اي تعليق. لان ده بقى ايه دي الثمرة بقى. ان انت المفترض تسمع دلوقتي مني بعد الفضائل - [01:11:35](#)

تأخذ قرارات بقى وانت قاعد كده تأخذ شوية قرارات تبدأ فوراً على تبدأ فوراً تنفذ وفعلًا تستشعر حلاوة الايه الذكر قال عليه الصلاة والسلام من قال لا اله الا الله وحده لا شريك له له الملك وله الحمد وهو على كل شيء قدير. عشر مرات كان كمن اعتق اربعة - [01:11:48](#)

انفس من ولد اسماعيل. قال صلى الله عليه وسلم احب الكلام الى الله سبحانه الله وبحمده. قال صلى الله عليه وسلم كلمتان خفيفتان على اللسان الثاني في الميزان حبيبتان الى الرحمن سبحانه الله وبحمده سبحانه الله العظيم. قال صلى الله عليه وسلم لان اقول سبحانه الله والحمد - [01:12:06](#)

الحمد لله ولا اله الا الله والله اكبر احب الي مما طلعت عليه الشمس. قال صلى الله عليه وسلم ايعجز احدكم ان يكسب كل يوم الف حسنة قالوا كيف يكسب احدا الف حسنة؟ قال يسبح مائة تسبيحة فتكتب له الف حسنة. او تحط عنه الف خطيئة. قال صلى الله عليه - [01:12:26](#)

ان سبحانه الله والحمد لله والله اكبر ولا اله الا الله تنفض الخطايا كما تنفض الشجرة ورقها قال صلى الله عليه وسلم ما على الارض احد يقول لا اله الا الله والله اكبر ولا حول ولا قوة الا بالله الا كفرت عنه خطاياه - [01:12:46](#)

ولو كانت مثل زبد البحر. قال صلى الله عليه وسلم اكثر من قول لا حول ولا قوة الا بالله العلي العظيم. فانها من كنوز الجنة قال صلى الله عليه وسلم من سبح في دبر كل صلاة ثلاثا وثلاثين وحمد ثلاثا وثلاثين وكبر ثلاثا وثلاثين. فتلك تسعة - [01:13:06](#) ست وتسعون ثم قال في تمام المئة لا اله الا الله وحده لا شريك له له الملك وله الحمد وهو على كل شيء قدير الا غفرت له له خطاياه وان كانت مثل زبد البحر. قال صلى الله عليه وسلم من قال استغفر الله الذي لا اله الا هو الحي القيوم - [01:13:26](#)

واتوب اليه غفر له وان كان فر من الزحف. وان كان فر من الزحف. قال صلى الله عليه وسلم ان الله اها اصطفي من الكلام اربعا. سبحانه الله والحمد لله والله اكبر ولا اله الا الله. فمن قال سبحانه الله كتبت له عشرون حسنة. وحطت عنه - [01:13:46](#) وعشرون سيئة ومن قال الله اكبر فمثل ذلك. ومن قال لا اله الا الله فمثل ذلك. ومن قال الحمد لله رب العالمين. من قبل نفسه كتبت له ثلاثون حسنة وحطت عنه ثلاثون سيئة - [01:14:06](#)

قال صلى الله عليه وسلم قل لا اله الا الله وحده لا شريك له الله اكبر كبيرا والحمد لله كثيرا وسبحان الله رب العالمين ولا حول ولا قوة الا بالله - [01:14:22](#)

عزيز الحكيم. فقال الصحابي هؤلاء لربي فما لي؟ قال قل اللهم اغفر لي وارحمني واهدني وارزقني وعافني. فان هؤلاء تجمع لك دنياك واخرتك. واخيرا قال صلى الله عليه وسلم من نسي الصلاة علي خطي طريق الجنة. صلى الله عليه وسلم - [01:14:32](#) اخيرا نقول اللهم اعنا على ذكرك وشكرك وحسن عبادتك. اللهم زينا بزينة الايمان واجعلنا هداة المهتدين اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا وغمومنا. اقول قولي هذا واستغفر الله - [01:14:52](#)

لكم سبحانهك اللهم ربنا وبحمدك - [01:15:12](#)